

近思錄備考

八九

內閣文庫		
九	二	和書類
函	百五十三	
二	八	冊號
二架	冊	

六冊

內閣文庫	
番號	和 24662
冊數	8 (6)
函號	191 343



近思錄備考卷之八

治體類 語類云近思錄治國平天下之道

淺草文庫

濂溪先生曰章 通書第三十一章家人睽復无妄第三十

二〇朱子曰此章發明四卦亦皆所謂聖人之蘊〇案此章

註乃朱子通書之註也圈者葉采之說也

家難節 楊誠齋曰正莫易於天下而莫難於一家云云一婦



正一家正一家正則天下定矣

家人離節 易曰家人利女貞程傳云家人之道利在女正女

正則家道正矣〇本義曰家人者一家之人〇睽卦傳云睽

者乖也家道窮則睽乖離散故家人之後受之以睽也〇張

中溪曰火澤無相得之性二女有難和之情所以為睽 注



近思錄備考 卷之八

一

猜韻會君才切从犬青聲疑也又叶千西切

堯所以釐降節 堯典曰師錫帝曰有齔在下曰虞舜云云帝

曰我其試哉女于時觀厥刑于二女釐降二女子嬀俱為汭

如說 嬀于虞 蔡傳曰二女堯二女娥皇女英也云云莊子

所謂二女事之以觀內是也蓋夫婦之間隱微之際正始之

道所係尤重故觀人者於此尤為切云云爾雅水之北曰汭

釐降 蔡傳曰堯治裝下嫁二女子于嬀水之北○案書經講

義之說亦同于蔡傳

不善之動妄也 易大全王雙溪曰復者賢人之事也无妄者

聖人之事也无妄者則誠而復者所以求至无妄者也

故无妄節 程傳曰對時謂順答天時天道生萬物各正其性

命而无妄王者體天之道養育人民以至昆蟲草木使各得
其宜乃對時育物之道也○愚謂對時育万物者乃王者法
天而平治於天下也故於治天下之道言之

○明道先生言於神宗曰 明道文集論王霸劄子○神宗宋

第六主 霸者齊桓晉文等後世如唐太宗是也○案此劄

子尚有數百字朱子載之時節畧之耳 注熙寧神宗年號

大臣薦案年譜呂公著薦也時程明道年二十八 太子

中允官名也詳于文獻通考六十卷 權字彙攝官曰權

監察御史裏行詳于文獻通考五十三卷事物紀原五卷

王道如砥 詩云周道如砥 如砥言直 本人情愚謂民之所

好好之民之所惡惡之也○霸者用私智不本乎公理故崎

嶮反側云云

故誠心而王 孟子曰堯舜性之湯武身之五霸假之反曰以
力假仁者霸以德行仁者王註云假仁者本無是心而借其
事以為功者也 易所謂差云云此非周易經文乃易緯文

○朱子曰在學者身上論之凡日用常行應事接物之際才
有一毫私心便非王道便是霸者之習此不可不省察也

伯字彙音霸伯取伯長之義後人恐與侯伯之伯相混故借
霸字以別之 汪宣帝雜王伯云云前漢書元帝紀曰宣帝

所用多文法吏以刑名繩下云云元帝嘗侍燕從容言陛下
持刑太深宜用儒生宣帝作色曰漢家自有制度本以霸王
道雜之奈何純任德教用周政乎

○伊川先生曰當世章 狃字彙女九切狎也習也○愚謂不
狃滯於近規則以先王之治為可必行也不遷惑於眾口則
以聖人之訓為可必信也

○比之九五曰章 程傳曰聖人以九五盡比道之正取三驅
為喻云云禮所謂天子不合圍也成湯之祝網是其義也天
子之畋圍合其三面前開一路使之可去不忍盡物好生之
仁也只取其不用命者不出而反入者也禽獸前去者皆免
矣故曰失前禽也○易木全徐進齋曰王者田獵合三面之
網而開其一面以驅逐禽獸

若乃節 遵道于譽大禹謨罔遵道以干百姓之譽
王者節 煦煦小惠貌 皞皞孟子盡心上曰霸者之民驩虞

如王者之民皞皞如也又曰民日遷善而不知為之注不知誰之所為也小注輔氏曰民日遷於善而不知誰之使我如此也注天子不合圍禮王制之文也陳澹注合圍四面圍之也

○古之時章 **商賈**孟子集註曰行貨曰商居貨曰賈 **皆有**

定志皆字兼士民 **廢士**下士也 ○朝有幸位則仕者日志

尊榮民無定制則農工商賈日志於富侈 **欲其不亂難矣**

孟子曰上下交征利而國危矣

○泰之九二曰章 論語集註曰馮河徒涉 ○胡氏曰若有包

容而無斷制非剛柔相濟之中也 ○易說統云太寧之世人

情安肆法度廢弛振作釐革之宜矣然驟振作則激遷釐革

則擾故包荒先焉詞曰包荒用馮河言馮河之勇以包荒之道用之者也 ○愚謂聖人非尚馮河以誠子路之言可見之此謂用馮河者借以言剛果而已

自古泰治之世節 程傳曰用馮河泰寧之世人情習於久安

安於守常惰於因循憚於更變非有馮河之勇不能有為於

斯時也馮河謂其剛果足以濟深越險也 **因循**字彙無所

作為也 **英烈**字彙才勝万人為英荀子注云倍千人曰英

烈火猛也威也又忠烈 **挺特**字彙挺超拔也又云挺立曰

特 **注陵夷**漢書注顏師古曰言山陵之漸平夷謂頽替也

○觀盥章 觀卦彖文曰觀盥不薦有孚顒若下觀而化也本

義曰盥將祭而潔手也薦奉酒食以祭也顒若尊敬之貌

顛韻會魚容切仰也 若字彙如也又語辭○論語疏曰凡言如也者皆謂如此義也洪氏曰易於形容所不能者必曰如○程傳云予聞之胡翼之先生曰君子居上云云必極其莊敬則下觀仰而化矣故為天下之觀又曰顛仰望也 注繁縟 韻會音說文縟繁米色也又數也細也字彙而六切

○凡天下章

程傳噬齧也噍合也 本義同 口中有物間之齧而後合之也 ○彖曰頤中有物曰噬噍噍而亨○程傳口中有物則隔其上下不得噍必齧之則得噍故為噬噍聖人以卦之象推之於天下之事在口則為有物隔而不得合在天下則為有強梗或讒邪間隔於其間故天下之事不得合也當用刑法

小則懲戒大則誅戮以除去之然後天下之治得成矣云云 去天下之間在在刑罰故卦取用刑為義

○大畜之六五曰章 徐進齋曰牝豕攻其特而去之曰積所以去其勢也豕之害物在牙人不能去其牙之猛利惟去其勢以絕其剛躁之性則牙雖存亦不能害物矣○程傳曰夫不能勝也○說統曰畜天下之徒不可以力勝也在得其情而已故衣食足而民不偷男女足而民不亂衣食非止偷之法男女非懲亂之刑而民自不至於偷且亂者順其情彌其源也

豕剛躁之物節

不能止 程傳曰不能止其躁猛雖繫之維

之不能使之變也○小補韻會曰外賢為勢 不知教而迫於饑寒孟子曰無恒產而有恒心者惟士為能若民則無恒產因無恒心苟無恒心放僻邪侈無不為已云云○愚謂修政則民有農桑之業修教則民知廉耻之道○雖賞之不竊矣下程傳曰故止惡之道在知其本得其要而已不嚴刑於彼而修政於此是猶患牙之利不制其牙而積其勢也 注所謂止盜之法亦見語顏淵篇 要害吾處之為要人處之為害也

○解利西南章 解卦彖文○程傳乃其宜也之下曰如是則人心懷而安之故利於西南也湯除桀之虐而以寬治武王誅紂之暴而反商政皆從寬易也無所往謂天下之難已解

散無所為也有攸往謂尚有當解之事也其發語辭○本義曰解難之散也○程傳曰早則往而有功緩則惡滋而害深矣 注文王八卦方位見說卦及易大全圖 維字彙云方偶也天之四維東南西北

有攸往夙吉節 注張東之云云通鑑唐紀張東之等舉兵討武氏之亂張易之張昌宗伏誅○案通鑑東之與崔玄暉敬暉桓彥範表怨已舉兵討內亂迎太子於東宮斬關入斬易之昌宗於廡下 武三思則天武后姪也又曰二張之誅也薛季昶謂張柬之敬暉曰二凶雖誅產祿猶在 比三去草不丟根終當復生一人曰大事已定夫何能為劉幽求亦謂桓彥範敬暉曰武三思尚存若不早圖噬臍無及不從又曰三

思遂與后通中宗后由是武氏之勢復振張柬之等數勸上
誅諸武上不聽又大書曰敬暉植若範張柬之哀恕已崔玄
暉為武三思所殺 書法曰不書三思殺書為所殺何外暉
等也

○夫有物章 艮卦彖曰艮其止止其所也

○允說章 程子曰為說之道利於真正非道求說則為邪論
又曰人君之道以人心說服為本

若夫違道云云 大禹謨曰罔違道以干百姓之譽

○天下之事章 既濟彖傳文也○本義既濟事之既成也○
初吉終亂程傳曰終亂濟極則反也○張中溪曰彖曰終止
則亂非終之能亂也於其終而有止心此亂之所由生也○

丘建安曰古今治亂之變何有窮也亂極生治治極生亂此
雖天運實人事也人之常情處無事則止心生止則心有所
急而不復進此亂之所從起處多事則戒心生戒則心有所
畏而不敢肆此治之所由兆治亂者天也所以制其治亂者
人也○易說統曰既濟之初心尚敬懼及既濟之終則怠心
生而紀綱廢篡孽萌矣亂所必至○胡雲峯曰創業之主以
憂勤而吉守成之君以逸樂而亂 注易大傳曰下繫辭曰
神農氏沒黃帝堯舜氏作通其變使民不倦○易說統曰黃
帝堯舜當一元文明之會太古朴陋之風當變矣聖人因時
通變使民日用其道而不倦○易鄉嬛云三聖見時之當變
通以文明之治民悅其化之更新趨之不倦

○為民立君章 民力足則生養遂勤農桑而民食足也 生

養遂則教化行富而後教之也所謂禮義生于富足是也

興作不時朱子曰農時謂春耕夏耘秋收之時凡有興作不

違此時至冬乃役之也 注夏城中丘林堯叟注魯邑○左

傳曰夏城中丘書不時也林注夏非城築之時妨農事也○

胡傳使民不以時非人君之心也 冬城向左傳曰書時也

林注向魯邑○胡氏無傳 丹桓宮楹林注桓公魯廟楹在

也 築王姬館于外林注王將嫁女于齊既命魯為主又曰

天子嫁女於諸侯使同姓之諸侯主之○左傳云為外禮也

穀梁傳云築之外變之正也仇讐之人非所以接昏姻也襄

麻非所以接弁冕也不使齊侯得與吾為禮也○案桓公為

齊所殺方今莊公有父之讐方居喪

然有用民力節 僖公修泮宮詩小序曰泮水頌僖公能脩泮

宮也○新安胡氏曰泮宮僖公因舊而修是以不見於春秋

○鄭氏曰辟離者外圓如壁泮之言半也○案泮水闕宮皆

見魯頌之詩 毛氏曰詩之古注也孟仲子之言亦毛傳之

文○毛氏曰闕閉也先妣姜嫄之廟在周常閉而無事○孔

氏正義云母死曰妣姜嫄是周之先母故謂之先妣○史記

周本紀曰后稷其母曰姜源姜嫄為帝嘗之元妃註疏嫄音

元 禡宮月令曰祀高禡於南郊○字彙曰禡天子求子祭

名變禡言禡神之也 孟仲子趙岐以為孟子之從昆弟孟

氏譜云仲子名罍孟子之子也○子夏作詩序以授曾申申

授李克克授孟仲子○愚案孔氏平義姜媼廟曾亦有之不唯在周也

○明道先生曰先王章 注控字彙音空操制也

○為政章 紀綱樂記曰聖人作為父子君臣以為紀綱紀綱

既正天下大定陳澔注曰綱維綱大繩紀附綱小繩○語類

云文章便是那謹權審量讀法平價之類耳 注章程漢高

紀張蒼定章程○字彙章者歷數之章術程者權衡丈尺手

斛之平法又品也式也限也量也 先有司語子路篇孔子

告仲弓之言朱注曰宰兼眾職然事必先之於彼而後考其

成功則己不勞而事畢舉矣○小注陳氏曰黨以分任有司

為先 黨族間比周禮地官大司徒五家為比五比為間四

間為族五族為黨五黨為州五州為鄉○地官黨正各掌其

黨之政令教治又曰族師各掌其族之戒令政事又曰閭胥

各掌其閭之徵令又曰比長各掌其比之治州長各掌其州

之教治其政令之法正月之吉云云○注所書乃周禮之文

也○鄭玄曰二千五百家為鄉○疏云正月子之月又曰德

行道藝者民之六德六行及六藝之道藝 賈師各云云地

官之文鄭玄司市注曰次謂吏所治舍又曰展之言整也成

平也會平成市物者也與讀為定疏云定物價恐有豫為詐

欺 貨賄字彙賄財也金玉曰貨布帛曰賄 辨其物云云

愚案辨察其物之好否好否同則均平其價整其價之平直

不使之貴又不使之賤各適其宜而定其價也 權五百黍

為銖二十四銖為兩十六兩為斤三十斤為鈞四鈞為石
量五十二百黍曰龠兩龠曰合十合曰外十外曰斗十斗曰
斛

入各親其親 四書大全陳氏曰各親其親及人不獨親其親
二句本出禮運程子引以為喻若曰人各舉其所知之賢才
然後不獨舉其所知之賢才

仲弓曰節 論語子路篇○饒氏曰仲弓以自己聰明為聰明
故有焉知賢才之間聖人則以天下之耳目為耳目故說舉
爾所知云云○蒙引云只是以用心之大小為公私

○治道章 前漢書董仲舒對策曰為人君者正心以正朝廷
正朝廷以正百官

○唐有天下章 唐有天下之下一書有如貞觀開元之五字

不賓謂不來朝也案安祿山史思明等為節度使而反也

○藩外屏也 **跋扈**通鑑後漢質帝曰梁冀曰此跋扈將軍

也○集覽曰猶言疆梁也又云凶橫自恣陵人之貌 **陵夷**

解見前○或問貞觀之治不幾於三代乎程子曰關雎麟趾
之意安在 注閨門之間又有懿德如太宗納弟妃之類是

也 使肅宗至靈武云云通鑑玄宗天寶十五載七月太子
即位於靈武 永王璘玄宗子也○通鑑天寶十四年以永

王璘為山南節度使又天寶十五年紀永王璘反上皇使高
適等討之 **獫狁**字彙居月切賊勢猖獗○韻會及玉篇無獫
字 **狁**韻會在也字彙獫狁 **豎**字彙童僕未冠者之稱

擅字彙音善自專也○案閹豎指宦者高力士等也宦者之多自玄宗始也

漢之治節 注世業通鑑唐高祖武德七年大書曰初定均由祖庸調法分注曰丁中之民給田一頃篤疾減什之六寡妻疾減七皆以什之二為世業 府兵困學紀聞云唐府兵之數兵志云十道置府六百三十四而關內二百六十一云云神宗問何處言府兵最備王文公對曰李鄴侯傳言之詳備○通鑑唐高祖武德二年置十二軍分統關內諸府皆取天星為名每軍將副各一人督以耕戰之務由是士馬精強所向無敵 祖庸調通鑑隋恭帝皇泰二年唐定租庸調法每丁租一石絹二匹綿三兩自茲以外不得橫歛○集覽曰有

田則有租有身則有庸有戶則有調○綱鑑注云此唐賦役之法也租出穀庸出絹調出繒纈布麻 省府通鑑唐太宗

貞觀元年二月分天下為十道○分注曰隋末喪亂豪傑並起擁眾據地自相雄長唐興相師來歸上皇為之割置州縣以寵祿之由是州縣之數倍於開皇大業之間上以民少吏多思革其弊二月命大加併省因山川形便分為十道一曰關內二曰河南三曰河東四曰河北五曰山南六曰隴右七曰淮南八曰江南九曰劍南十曰嶺南

○教人者章 愚謂喻之醫療攝養其元氣則眾疾自除

○明道先生曰章 關雎麟趾周南之篇名 周官周禮也

注社卧席也○孟子曰徒善不足以為政徒法不能以自行

○君仁莫不仁章 此二句出孟子離婁上○存疑曰莫不仁莫不義指用入行政說○愚謂離是之是字此是非之是也指仁心

昔者孟子節 荀子大畧篇有此事孟子無之 夫政事之失

云云孟子離婁上篇曰人不足與適也政不足間也惟大人為能格君心之非君仁云云一正君云云○小注朱子曰此大人皆以德言為聖人之稱

○橫渠先生曰章 論語學而篇集註時謂農隙之時言治國之要在此五者亦務本之意也○講述此章自君心言之○說統時使是愛養民力之心 制數制度數目也

○法立章 論語衛靈公篇放鄭聲遠佞人○張好古曰四代

禮樂為百主立此法也戒以鄭聲佞人為萬世保此法也

注四代之禮樂行夏時乘殷輅服周冕樂則韶舞

○橫渠先生答章 愚謂道學所以行政術政術是道學之所行也無道學之政術伯道是也無政術之道學稟端是也巽之節 孟子離婁上云人不足與適也政不足間也朱注人君用人之非不足適隨行政之失不足非間 帝王之道五帝三王治天下之道也

近思錄備考卷之八

近思錄備考卷之八

[Faint bleed-through text from the reverse side of the page]

近思錄備考卷之九

治法類 語類曰近思錄九制度

○濂溪先生曰章 通書樂上第十七 **九疇**蔡傳曰洪範九

疇治天下之大法也其類有九萬物咸若伊訓曰鳥獸魚鼈

咸若○書經講義曰順適其性並育而並生焉 **注**理而後

和通書十三章禮理也樂和也陰陽理而後和萬物各得其

理然後和故禮先而樂後 **八風**見樂記及史記律書通書

小注等○通書曰樂者本乎政也政善民安則天下之心和

故聖人作樂以宣暢其和心達于天地云云 **注**朱子曰八

音云云見國語案國語周語下景王二十三年

故樂聲節 語八佾篇闕雅樂而不淫哀而不傷 **注**淫者樂之

過而失其正者也傷者哀之過而害於和者也 注理之發
和之為乃通書理而後和之理和字之意○朱子曰古樂以
和為主周子反欲其淡蓋今之所謂和乃淫哇非古之和故
以是矯之乃得其平耳

後世節 [案]字彙音問亂也○周子曰樂聲淡則聽心平樂辭

善則歌者慕故風移而俗易矣歎聲豔辭之化也亦然

○明道先生言於朝曰章 案此章明道文集二卷所載甚詳

文公畧取之耳小學善行篇所載亦與此同○陳選曰上者

上所化俗者下所習賢有德者才有能者得賢才又正風俗

之本也○吳氏曰百執事謂朝之百職○小學章句曰百官

也○陳選曰推訪推求詢訪也延聘小學章句曰以禮招延

聘召也 [敦]遣章句曰厚其禮儀以送之也 [京師]陳選云

京大師衆天子之都曰京師 [正學]陳祚云古昔聖人仁義

中正之學也○愚謂本於人倫明乎物理聖人之道也反是

者為異教○小學衷旨曰此專以得賢才為主見賢才得而

風俗可正

其教節 [周旋]章句曰動作之儀也○吳氏曰漸如水之浸物

也摩如石之攻玉成就謂成就其才器也○小學句讀曰洒

掃應對以至周旋禮樂小學之教也誘掖云云成其始也

其要節 句讀曰擇善脩身以至化成天下大學之教也自鄉

人而至云云成其終也 [化成天下]易文 注孟子曰離婁

其學行云云 句讀曰以成德為師取材識明達者受其教

擇其學明云云 句讀曰及學之成上者使教國學其次以分
教州縣之學也

擇士節 小學句讀曰縣謂縣學州謂州學 論其賢者能者
王制云論定而後官之 注周禮云云周禮地官鄉大夫之

職各掌其鄉之政教禁令三年則大比其德行道藝而興
賢者能者鄉老及鄉大夫以禮禮賓之○太司徒以鄉三物

教萬民而賓興之 司馬論士王制曰司馬論進士之賢者
以告于王而定其論論定然後官之

凡選士之法 朱子曰明道論學制最為有味○胡敬齋曰明
道教養選舉法簡易明白復古得賢如反掌又曰得賢之道

須如周禮賓興明道選舉方無所遺

○明道先生論十事 見二程全書五十五卷論十事劄子

師傳 注古者云云 文集本文也十事註皆是明道語葉采
節畧之也○程子又曰故舜禹文武之聖亦皆有所從學

二曰六官 注天地四時之官見于周禮

四曰鄉黨 周禮太司徒五家為比使之相保五比為閭使之
相受又曰四閭為族百家使之相莖五族為黨五百家使之相

救五黨為州二千五百家使之相調五州為鄉一萬二千五百家使之相
賓○遂人曰四里為鄰二十五家五縣為遂二千五百家也遂一萬二千五百家也

五曰貢士 注道德不一 伊川文集曰古者一道德以同俗苟
師學不正則道德何從而一方今人執私見家為異說又離

經訓無復統一道之不明不行乃在於此

六曰兵役 **府史** 府治藏史掌書 **胥徒** 民服徭役者孟子集

註云廢人在官者府史胥徒也○愚謂注古者府史胥徒受
祿公上與今府史之祿自民而給之不同兵農未始判也言
兵出于農而不費民俸也

七日民食 注古者民必云云 王制曰國無九年之畜曰不足

又曰九年耕必有三年之食

九曰山澤 周禮地官司徒山虞掌山林之政令物為之厲而
為之守禁令方民時斬材有期日澤虞掌國澤之政令為之
厲禁以時入之于王府頒其餘于方民 **五官** 司五行之官
也 **六府** 大禹謨曰六府水火金木土穀也蔡傳云六者財

用之所由出也故曰府又曰穀本在木行之數萬以其為民
食之急故別而附之也○周禮掌川林謂之衡

其言曰節 **灼** 字彙音酌昭也

○伊川先生上疏章 師傳保之官書周官曰立太師太傅太
保茲惟三公云云○賈誼保傳傳曰保保其身體傳傳之德
義師道之教訓此三公之職也

有剪桐之戲 史記晉世家○案此時哲宗冲幼故云爾

○伊川先生看詳章 伊川嘗充崇政殿說書看詳國子監條
制○二程全書六十一曰舊制公私試試上舍試內舍蓋無
虛月○案宋三舍生徒初入外舍月一私試歲一公試補內
舍生間歲又一試補上舍生○小學句讀相先猶相尚月使

之爭月有試以較其高下是使之爭也

制尊賢堂節 延小學章句延猶言尊禮也 行檢陳選日謂

行誼名檢

又云節 元豐宋神宗年號國學天子所都之學 陳選日解

猶貢也額猶數也 注偷苟得也字彙偷他侯切苟且也

今欲云云節 三舍外補之法見上

○明道先生行狀云章 孤筑殘廢孟子日幼而無父曰孤

詩經哀此筑獨朱子曰筑困悴貌殘增韻凋傷也零落也廢

字彙不舉也

諸鄉節 聚而教之之下行狀云去邑纔十餘年而服儒服者

蓋數百人矣 有耻之下日邑幾萬室三年之間無強盜及

鬪死者

杜會周禮二十五家為社 旌別字彙旌表也周

禮旌別淑慝

○萃王章 程傳日王者萃聚天下之道至於有廟極羣生至

衆云云 案本義假字為至乎宗廟之中與程傳異 人心

莫知其鄉 孟子日出入無時莫知其鄉惟心之謂與朱注云

其出入無定時亦無定處如此

祭祀之報節 遺書八日問祭起於聖人之制作以教人否程

子曰非也祭先本天性聖人因而裁成禮法以教人耳 ○月

令季秋豺乃祭獸又曰孟春獺祭魚

○古者戌役章 戌字彙商遇切守邊也說文从人荷戈以戌

○詩通解云雖日代者已至然前尚未歸故日復留備秋

疆封疆圉字彙與禦同拒也○許東陽曰防秋宋遣戍之名

番小補韻會更改也 注采薇詩小雅○續韻符曰秋氣

至膠可折弓弩可用旬放常以此為候而出軍○案采薇詩

所謂獫狁今之所謂韃靼也蓋戍役者邊塞為防獫狁耳

○聖人無一事云云章 復卦象曰先王以至凡閉關○程傳

云先王順天道當至日陽之始生安靜以養之故閉關使商

旅不得行○白虎通曰冬至所以休兵不舉事閉關商旅不

行何此日陽氣微弱王者承天理物故率天下離不復行役

扶助微氣成萬物也

○韓信多多章 前漢書列傳四韓信傳上問曰如我能將幾

何信曰陛下不過能將十萬上曰如公何如曰如臣多多益辨

耳云云史記漢書並無註○因學紀聞曰程子曰韓信多多益辨是分數明按孫子治眾如治寡分數是也杜牧注謂韓信多多益辨 注管轄見下註

○伊川先生曰章

嘗謂節 軍中夜驚事見前漢書及通鑑 亞夫周勃之弟也

○前漢書周勃傳夜軍中驚內相攻擊擾亂至於帳下云云

注七國反通鑑景帝三年吳王膠西王膠東王菑川王濟

南王楚王趙王反

○管攝天下人心章 宗子法見禮記喪服小記及文公家禮

注繼高祖之適長 乃吾曾祖之兄也三從兄弟者曾祖

伯叔父之曾孫也再從兄弟者曾祖父之曾孫祖伯叔父之

子也同室兄弟者伯叔父之子也親兄弟者吾昆弟也
又曰一年云云 愚案程子遺書七上文之本註也蓋言治法
有漸須尚積累

○凡人家法 **花樹**唐詩訓解二卷羣負外家花樹歌岑參作
今年花似去年好去年人到今年老始知人老不如花可惜
落花君莫掃君家兄弟不可當列卿御史尚書郎朝回花底
恒會客花撲玉缸春酒香○事文類聚宗族部謝昌國之語
亦與此大同小異見勸善錄○困學紀聞十八伊川曰凡人
家法須月為一會以合族古人有花樹羣家宗會法可取也
宗會法今不傳岑參有羣元外家花樹歌君家兄弟不可當
云云羣元負失其名此詩見一門花鄂之盛○蘓氏家語曰

宋劉宰字子平號漫堂先生每月且必治湯餅會族曰今日
之集非以酒食為禮也尋常宗族不睦多起于情意不相通
間言入焉今且必會飲有善相告有過相規有故相牴牾者
彼此一見亦相忘於杯酒從容間豈小補哉有不至者必再
三招之曰寧適不來微我弗顧

○冠昏喪祭云云章 陳選曰理會講而行之也此字指報本
言奉養曰奉養其親○月令孟春禴祭魚季秋豺乃祭獸
六禮王制曰六禮冠昏喪祭鄉相見○陳選曰此言祭禮之
大略

廟必有主 注**桃**小補韻會遷廟也遠廟為桃超上去意也
主式見伊川文集二程全書六十四卷也又見于文公家禮

冬至祭始祖 語類問冬至祭始祖是何祖曰或謂受姓之祖如蔡氏則蔡叔之類或謂厥初生民之祖如盤古之類○又曰立春祭先祖則何祖曰自始祖下之第一世及己身已上第六世之祖曰何以只設二位曰此只是以意寫之而已又曰伊川時祭止於高祖高祖而上則於立春設二位統祭之而不用主○愚謂初祖以下高祖以上之祖不能遍舉盡祭故只舉其始終設二位而祭之以統其餘乎然則所謂自始祖而下之第二世者乃始祖之子也已身已上第六世之祖者乃高祖之父也歟○問始祖之祭朱子曰古無此伊川先生以義起其當初也祭後來覺得似僭今不敢祭又曰始祖之祭似禘先祖之祭似禘今皆不敢祭○丘瓊山家禮儀節

曰冬至祭始祖立春祭先祖程子說也朱子作家禮多取溫公而此二祭則用程氏焉楊氏謂朱子初年亦嘗行之後覺其似僭不敢祭然于小學書亦既載程子斯言借曰家禮未成之書而小學則已成矣而不刪去之必有其說 注冬至陽之始立春生物之始季秋成物之時小學集成曰象其類而祭之

忌日節 祭于正寢集成曰同室難以獨享也於正寢可以盡思慕之意○章句曰存常行而不廢也

○卜其宅兆章 孝經曰卜其宅兆而安措之○吳臨川註云卜灼龜以視吉凶也宅墓穴也兆塋域也厝猶置也將置柩於其處必視生氣無地風水泉沙礫樹根蟻蟻之屬及他日

不為城郭溝池道路然後安卜者決之於神也不卜則擇之以人葬書備言其術之理可稽焉中州土厚水深不擇猶可偏方土薄水淺凡地不皆可葬苟非其地尸柩之朽腐敗壞至速與舉而委之于壑同孝子之心恐乎先擇後卜尤為謹重所謂謀及乃心謀及士民而後謀及卜筮也宋王喪禮筮宅卜日大夫以上則葬日與宅兆皆用龜卜或亦用筮此云卜蓋通言之注筮字彙音官墓也

地美則神靈安其子孫盛伊川曰若培壅其根而枝葉茂理固然地之惡者反是又曰父祖子孫同氣彼安則此安彼危則此危注窆字彙音姚燒瓦窆也

○正叔云某家章浮圖與浮屠同魏志曰今畧曰佛

一一

人家小學合璧云市中亦有一二家化之○愚謂此說鑿勿用注彌天字彙彌徧也波叱梵語也中華曰劫見千佛說思益經斫字彙音酌乃斬也

○今無宗子章

今父兄從子弟本注曰子弟為強如相如使蜀云云司馬

相如諭巴蜀檄相如本傳載之前漢書五十七卷移書文

選四十三劉子駿移書讓太常博士張銑注曰移易也謂以

我情移易彼意

然而又節諸侯奪宗見乎白虎通注昨字彙靖故切建置

社稷曰祚

○邢和叔叙明道先生事章事見于伊洛淵源錄上下與

天地同流孟子文注識其大者論語子張篇注識記也

寨字彙與柴同音柴木柵又壘也○壘字彙軍壁也

○介甫言章語類曰介甫言律一條何意也曰伯恭以凡事

皆具惟律不說偶有此條遂謾載之又曰八分書言八分方

是又曰律是八分書是欠些教化處注刑統通鑑後周世

宗顯德四年五月周作刑統分注曰詔以律令文古難知救

格煩雜不一命待御史張湜等訓釋刪定為刑統

○橫渠先生曰兵謀章注好謀而成見論語師出以律見

易

○肉辟章散之之久論語子張篇上失其道民散久矣注民

散謂情義乖離不相維繫注五刑見呂刑至漢文帝始

罷云云通鑑漢文帝十三年齊太倉令官淳于意有罪當刑

其少女緹縈上書曰死者不可復生刑者不可復屬願沒入

為官婢以贖父刑上憐其意詔除肉刑

○呂與叔撰橫渠先生行狀云章此行狀伊洛淵源錄載之

仁政必自經界始孟子滕文公篇文也集註曰經界謂治

地分田經畫其溝塗封植之界也○饒氏曰溝溝洫之類塗

道塗封土埃植種木為界集註又曰此法不脩則田無定分

而豪強得以兼并故井地有不均賦無定法而貪暴得以多

取故較祿有不平此欲行仁政者之所以必從此始

世之病難行節語類曰不審井議之行於今果如何曰講學

時且恁講若欲行之須有機會會經大亂之後天下無人田盡

歸官方可給與民云云若平世則誠為難行云云莫道要奪他田他豈肯苟悅便道行井由須是大亂之後

買田一方畫云云田一方謂或方二里或方三里

廣儲蓄三年耕必有九年之食類也

苗謂水旱蝗疫之類

患謂盜賊之類

本謂為農末謂為工商

橫渠先生曰古者章儀禮喪服云有東宮有西宮有南宮有北宮

又異官節愚謂上私字專厚父之私也下私字指宴息而言

○子不私其父則不成為子是儀禮喪服之文疏曰不成為入子之法也

父子異官節內則曰由命士以上父子皆異居儀禮喪服疏

曰不命之士父子同官縱同官亦有隔別亦為四方之官也故異官節逐位愚謂逐位者逐上為序作各局也非分財而離居

○治天下章周道小雅大東篇周道如砥周道大道也

○井田卒云云章封建者封諸侯建國也○語類九十七朱

子曰程先生幼年屢說須要井由封建到晚年又說難行想是它經歷世故之多見得事勢不可行○胡敬齋曰封建乃

古聖人擇賢以分治公天下之心也使生民各有王王各愛其民上下維持以圖久安至善之法天子又有慶讓錫命征

討之法以統御之虐民者必更之立賢主以養其民秦以天下為已私乃立郡縣以為治此亦勢使然也○案秦壞井由

廢封建自是而又不舉至今尚然封建可考朱子語類百八

卷又柳子厚有封建論亦見語類其文云封建之設古之制也夫封建之設古之制也天子之命天子之命以封建之天子之命以封建之天子之命以封建之

○井田平元云章陳政○井田平元云章陳政○井田平元云章陳政

○能天下章國首○能天下章國首○能天下章國首

補遺

近思錄備考卷之九終



